

卷

施

閣

集

卷施閣文甲集卷第三

陽湖洪亮吉學

釋舟

兪謂之舟

說文舟船也

毛傳

兪空木爲舟也从人从舟从𠂔𠂔水

也按或作𦨇俗字

方言自關而東或謂之舟

釋名

舟言周流也

按淮南王書汜論訓乃爲窳木方板以

爲舟航高誘注窳空也兪窳二字音義並通故徐鍇說

文繫傳云人者取二合之義音兪猶窳穿之義會意是

也

通名謂之校

說文校船總名王篇同徐鉉等曰今俗別作舩非是
漢書溝洫志發河南以東漕船五百校校吳越春秋句
踐歸國外傳晉竹十廢注廢當作校漢書溝洫志漕船
五百校是校又通作校兼作廢說文廢水槽倉也義亦
通 藝文類聚稱太公六韜武王伐殷先出於河呂尙
爲後將以四十七校船濟于河

又謂之船

說文船舟也按此卽轉注字 方言舟自闕而西謂之
船 釋名船循也循水而行也 藝文類聚稱韻集曰
船舩也按舩卽船之重文字書或分爲二非

又謂之舩又謂之舩

爾雅舩我也說文同義闕 廣雅舩舟也 玉篇舩天

子稱 按淮南王書欲與物接而未成舩兆者也文選

注稱許慎注舩兆也舩兆當屬轉注字故名舟爲舩又
謂之舩又廣韻云舩古文作舩則或从剡木爲楫之義
制字故从舟也易剡木爲楫剡本亦作揆

又謂之舩

廣雅舩舟也按舩字說文玉篇並無當作舩古字通也
又謂之舩

廣雅舩舟也 華嚴經音義稱通俗文吳船曰舩廣韻

同 玉篇舩船小也 按荊州記湘州七郡大舩所出

皆受萬斛又水經注贛水又逕谷鹿洲舊作大舩處宋

臧質石城樂亦云大編載三千漸水丈五餘是編亦不
僅小舟也

又謂之解

廣雅解舟也 玉篇吳船也又解艘按當從說文作舩

又謂之舩

漢書古今人表晉舩人固來 廣雅舩舟也玉篇同

又謂之艘

廣雅玉篇並舟名 瓊州圖經文昌縣有焚艘山近大
海漢樓船將軍楊僕征黎至此焚船登岸故名按故書
無艘字疑土人合樓船二字爲一後人遂制此字矣吳
越春秋越有樓船卒漢武帝秋風辭泛樓船兮濟汾河

則樓船之制自昔有之通典又云樓船船上建樓三重
又謂之艤又謂之舳舻

廣雅王篇並舟名

又謂之餘皇

左傳昭公十七年楚大敗吳師獲其乘舟餘皇 廣雅

王篇舳舻並舟名又云舳吳舟 郭璞江賦漂飛雲運

舳舻 抱朴子舳舻鷁首涉川之良器也 按說文無

舳舻二字始見新附今仍從左傳作餘皇舳又別作舳

又謂之舳舻

方言舳謂之舳舻小舳舻謂之舳按舳爲小舟則舳舻

之制當在大小之間 廣雅舳舻舟也王篇同 宋書

吳喜傳從西還大船小船爰及草舫錢米布絹無船不

滿

通異名

類篇舩舩大舟按舩當卽舩字

又謂之舩又謂之舩又謂之舩又謂之舩又謂之舩

王篇有 廣韻舩小船上安蓋者 按淮南王書修務

訓水斷龍舟高誘注龍舟大舟也此舩字疑合二字爲

一隋書亦以戰舩爲水龍王篇又有舩字云以竹葉舩

船也疑亦舩字重出或又云舩卽舩今附記于此

又謂之舩

按疑亦合吳舟二字爲一

又謂之舩又謂之舩又謂之舩又謂之舩

王篇又別出舩字非

輪謂之桃

見廣雅

玉篇輪船也按今以船旁木爲桃亦作牘

長而薄者謂之舩

見方言

廣雅舩舟也

玉篇舩艇船

短而深者謂之舩

見方言郭璞今江東呼舩舩者玉篇同

廣雅舩舟也

小爾雅艇之小者曰舩

梁書羊侃傳初赴衡州于

兩舩舩起三間通梁水齋

又謂之舩

集韻舩船短而深也

陳書侯景傳景乃以舩舩貯石

沈塞淮口

資治通鑑侯景召石頭津主張賓使引淮

中般舫及海舳

小而深者謂之舫

方言小而深者謂之櫟郭璞卽長舫也按舫舫舫本一字蓋正作舫通作舫今玉篇又別出舫櫟二字益非疑方言本亦後人依玉篇追改也今姑隨其義兩列

大舟謂之櫟

說文櫟海中大船徐鉉曰今俗別作筏非是 廣雅櫟

舟也 玉篇櫟大船也 華嚴經音義稱通俗文筏作

櫟韻集筏作櫟同扶月反按櫟筏皆俗字並當作櫟又

別見

又謂之櫟

說文櫂江中大船名 廣雅艫舟也 玉篇艫大舟也

按艫俗字當作櫂 方言東南丹陽會稽之間謂艫爲

櫂按方言艫爲小舸櫂與舫同則櫂亦不盡是大舟矣

又別見

又謂之般

方言般大也 玉篇般大船餘別見

又謂之舸

方言南楚江湘凡船大者謂之舸 玉篇舸船也 左

思蜀都賦宏舸連舳李善注大船曰舸 按三國吳志

董襲傳襲乘大舸船突入蒙衝南齊書王敬則傳高道

慶乘舸舳于江中迎戰此舸爲大船之證然裴松之注

引江表傳劉備乘單舸往見周瑜風土記船舸單乘是單船亦謂之舸也說文無舸字見徐鉉新附

又謂之艫

廣雅艫舟也 王篇艫大船也

又謂之舩

華嚴經音義稱呂忱字林舩大船也今江南泛海船謂之舩昆侖及高麗皆乘之大者受萬斛也 又稱埤蒼

舩大船也王篇同

又稱通俗文晉舩曰舩初學記引無舩字

大者長二十丈載六七百人 按水經注孫權裴大船名之曰長安亦曰大舩是矣俗別作舩非

又謂之舩又謂之舩

王篇舩舩並大船 集韻舩兩槽大船 梁元帝吳趨
行何時乘舩歸按別作舩非是 陳書侯安都傳坐舩
內墜于櫓井時以爲不祥又王子晉等乃僞以小船依
舩而釣

又謂之舩舩

廣雅舩舩舟也王篇同 集韻舩舩大舩也 北堂書

鈔豫章城西有舩舩洲水經注作谷鹿即呂蒙作舩舩大舩處

按吳志呂蒙襲關羽至尋陽盡伏其精兵于舩舩中是

舩舩又通作舩舩 又稱楊泉物理論夫工匠經涉河

海爲舩舩以浮大川 通異名 太平御覽稱雜字解詁曰

舩舩雜船也

小舟謂之刀

毛詩河廣云曾不容刀鄭康成箋云小船曰刀按詩正義及釋文並云說文作舸今攷說文無舸字疑陸德明等誤記釋名玉篇諸書爲說文也餘類此尚多姑附記于此 釋名三百斛曰舸舸貂也貂短也江南所名短而廣安不傾危者也接近人校釋名誤以說文之舸合舸不知說文之舸从刂省讀若兀音既不同且此云安不傾危而說文云舸船行不安也義亦相反今別見又詩正義引說文云舸小船未知何本 廣雅舸舟也 初學記稱埤蒼舸吳船也音雕 集韻或作舸通作刀或作舸廣韻船吳船 按一切經音義引方言小舸舸

謂之艇郭璞曰艇舸也音刀與今本方言異或別有所據但刀係正字舸船舸皆刀之別字耳

北堂書鈔初學記太平御覽引

釋名舸皆作舸王篇舸小舸也

又謂之艇

方言小舸謂之艇郭璞今江東呼艇小底者也 玉篇

艇小舟也按別作舸非是

又謂之艇

方言艇謂之舸舸謂之艇郭璞舸也 釋名二

百斛以上曰艇其形徑挺一人二人所行者也按說文

無艇字應作挺爲是 廣雅艇舟也 北堂書鈔稱說

文云艇小舟也形狹而長按艇字見說文新附然北堂

書鈔引說文如此則鉉或別有所本 小爾雅小船謂之艇艇之小者謂之舩 高誘淮南王書注蜀艇一板之舟若今之豫章是也

又謂之舩

方言小而深者謂之楸郭璞卽長舩也 廣雅舩舟也

玉篇舩小船也 楸同 馬融廣成頌連舩舟李賢注

舩小舟也 傳元正都賦越舩泛吳榜浮

又謂之舩

玉篇舩小船也 按宋書武帝紀盧循有八舩艦九枚起四層高十二丈又垣護之隨王元謨入河虜悉已牽元謨水軍大舩連以鐵鎖三重欲以絕護之還路是舩

亦大小兼有不盡屬小船也宋書恩倖傳論又云南金百毳來悉方艚按說文無艚字疑卽漕字之別說文漕水轉穀也一曰人之所乘及船也宋書云水軍大艚與玉篇廣韻水運爲漕之說亦合後人或去水加舟耳又謂之麗

玉篇麗小船也莊子秋水篇梁麗不可以衝城司馬彪注梁麗小船也按裴松之三國志王朗傳注稱獻帝春秋孫策率軍如閩越討朗朗泛舟浮海欲走交州至朗對策使者云獨與老母共乘一麗流矢始交便棄麗就俘云云亦麗爲小舟之證麗麗古字通佛本行讚經音義亦云麗小船也麗當屬麗字之別

又謂之舫

玉篇舫小船也 梁書王僧辯傳侯子鑒等率步騎萬餘人于岸挑戰又以舫舫千艘並載士兩邊悉八十棹按玉篇無舫字當作鳥了鳥蓋言其小也

又謂之幹舟

高誘淮南王書注幹舟小舟也

通異名

一曰大舟

又謂之舫舫

廣雅舫舫舟也

玉篇舫舫小舟也

按南齊書張敬

兒傳敬兒乘舫舫過江遇風船覆又云上與豫章王嶷三日曲水內宴舫舫流至御坐前覆沒此可證舫舫皆小舟

戰船謂之蒙衝

釋名外狹而長曰蒙衝以衝突敵船也 廣雅蒙衝舟

也 王篇蒙衝戰船按字當作蒙衝 吳志董襲討黃

祖祖橫兩蒙衝夾守沔口又周瑜逆曹公于赤壁部將

黃蓋取蒙衝鬥艦數十校實以薪草 陳書侯瑱傳以

牛皮冒蒙衝小船以觸賊艦 通異名 廣韻蒙衝短船名

又謂之舩艦

廣韻稱字林舩艦水戰船 王篇舩艦戰船也 按廣

雅作舩艦或以字近而誤

又謂之斥候

釋名五百斛以上還有小屋曰斥候以視敵進退也

軍行在前謂之先登

釋名軍行在前曰先登登之向敵陳也 初學記稱晉
令水戰有飛雲舩蒼隼舩先登舩飛鳥舩劉逵云飛雲
蓋海吳樓船名按此類異名尚多不能悉錄附記于此
置戈船下謂之戈船

張晏漢書注越人于水中負人船又有蛟龍之害故置
戈于船下因以爲名也按臣瓚引伍子胥書有戈船以
載干戈吳越春秋句踐伐吳外傳戈船三百艘則戈船
之制不始于漢

輕舟謂之楫

玉篇楫輕船廣韻同

又謂之牒

宋書鄧琬傳劉胡遣陳紹宗陳慶率輕牒二百大艦五十出鵠尾外挑戰南齊書柳世隆傳輕牒一萬隋書來護兒傳楊素令護兒率數百輕牒徑登江岸戴嵩釣竿篇藻花裘小牒按此篇所收字至玉篇而止唯牒舩等字以已見宋齊梁陳等書故亦錄入疑屬牒字之別也又今本類書引方言南楚呼牒曰楸今方言無此語

輕疾者謂之赤馬

釋名輕疾者曰赤馬舟其體正赤疾如馬也崔豹古今注孫權時名舸爲赤馬言如馬之走陸也又小舟名

馳馬 北堂書鈔稱江表傳孫權名舸爲馬言飛馳如馬之走陸地也又稱杜預表長史劉循治洛陽以東運渠嘗用赤馬 按劉熙亦漢末三國時人所云赤馬舟當即指孫權所造而言抱朴子水馬飛鳧義亦同

子船謂之舸

玉篇舸子船

通異名

集韻覆船具亦曰舸

合木船謂之舸又謂之艦

廣雅艫舸舟也

初學記稱周遷輿服雜事其人欲輕

行則乘海舸合木船也 廣韻艦合木船

編竹船謂之箴

玉篇箴竹長千丈爲大船也生海畔

運舟謂之艚

玉篇艚運船也廣韵同又廣韵云艚釣船也附錄于此海中舟謂之檣

見上 玉篇檣海中大船也附也亦作艚按玉篇分檣
檣爲二字非下檣艚亦同

又謂之棧

見上 藝文類聚稱韵集棧海大船也

又謂之舶

見上 廣韵海中大船 集韵蠻夷泛海舟曰舶

又謂之霽

玉篇霽海船也

又謂之艫又謂之艮

初學記稱稗蒼云海中大船曰艫 玉篇艫海船也

艫船也 廣韻艫海中大船艫海船名

江中舟謂之櫂

見上 按初學記稱說文曰江中舟曰櫂音禮蓋卽蠡

字之誤 玉篇蠡江中大船也又作蠡

又謂之舳

見上 廣韻對艦江中大船按艦又舳字之別禮部韻

略舳字下引廣雅舳舸舟今考廣雅亦無舳字惟艦字

曹憲音滔韻略蓋因此誤也廣韻亦無此字

舟飾謂之舳又謂之舳

玉篇艚船舟飾也按廣韻無艚船二字

載多謂之艚

玉篇艚音富 類篇船載多也按此蓋望文生義因玉

篇有此字故錄入之

編木渡謂之泝

詩周南不可方思毛傳方泝也釋文泝本亦作泝又作
桴或作桴又作埒按廣雅玉篇又作解皆俗字 說文

泝編木以渡也玉篇同 楚辭九章乘汜泝以下流王

逸章句編竹木爲泝楚人曰泝秦人曰撥也 三國吳

志徐夫人傳伐蘆葦以爲泝佐船渡軍裴松之注音敷

泝謂之葦

見方言 廣雅籜箬也玉篇作箬又作箬詩釋文稱郭
璞云木曰箬竹曰箬小箬曰附 華嚴經音義今編竹
木以水運爲箬秦人名箬江東名箬又云北人名箬南
土名箬義同 北堂書鈔又稱東觀漢記張堪爲蜀郡
太守公孫述擊之三百人斬竹爲箬渡水遂免是字又
作棹 後漢書岑彭傳乘枋箬下江關鄧訓傳縫革爲
船置于箬上以渡河李賢注箬木箬也 按說文無籜
字今從後漢書作箬

箬謂之箬

方言籜謂之箬箬秦晉之通語也 馬融論語注桴編
竹木大者曰桴小者曰桴 王篇箬箬也按撥箬二字

廣雅玉篇已皆兩收今故隨其義分列之又大般涅槃
經筏又作棧元應注經文从木作棧非體也韻集又作
撥義亦通通典軍行渡水又有蒲棧葦棧
篔中謂之薦

方言江淮家居籓中謂之薦音荐疏證荐各本誤作符
今訂正

汭之小者謂之桴

馬融論語注小者曰桴韋昭國語注同 長阿含經音
義小汭曰桴也

水中浮木謂之查

玉篇查水中浮木也 王嘉拾遺記堯時有巨查浮于

西海 桡又作槎又作槎並非又廣雅玉篇舡字當卽
槎字之別今姑從其義兩列

併船謂之方

爾雅舡舟也郭璞注併兩船釋文引樊光本舡作坊

說文方併船也象兩舟省總頭形又作沝云方或从水
桡太平御覽稱說文又作舡云併兩船也北堂書鈔同
是方亦通作舡 戰國策方船積粟循江而下 史記

酈食其傳蜀漢之粟方船而下司馬貞索隱云方船爲
並舟也桡此知舡古皆作方然張儀列傳舡船載卒小
司馬又云舡音方是二字又可互通 大般涅槃經音

義稱通俗文連舟曰舡併兩船也玉篇亦同 後漢書

岑彭傳乘枋單下江關李賢注枋卽舫字古通用北
堂書鈔稱王隱晉書顧榮紀瞻被徵行至彭城見王路
塞絕遂解舫爲單舸而歸王濬傳濬乃作大船連舫方
百二十步宋書臧質傳明且賊更方舫爲桁核晉
書戴淵傳陸機在舫屋上遙謂淵王廙傳倚舫樓長嘯
是則舫制亦如艦上有屋并有樓也

方舟又謂之航

說文航方舟也徐鉉曰今俗別作航非是方言舟自
關而東或謂之舟或謂之航戴震疏證後漢書文苑傳
北航涇流注航舟度也方言自關而東或謂舟爲航說
文航在方部今流俗不解與杭字相亂誤也淮南王

書主術訓大者以爲舟航高誘注方兩小船並濟爲航
杭同又汜論訓云乃爲窳木方板以爲舟航注舟相連
爲航也又說林訓釣魚者泛杭注杭航通 按集韻航
方舟也羣書無此字惟釋文首序云吳興大船頭蓋又
屬航字之別今考旂杭雖各部然古人率皆通用如漢
書地理志餘杭縣吳興記云秦始皇舍舟杭于此因以
爲名以迄淮南王書等是矣航旣旂之別字若作舩則
又別之別耳 又按晉書五行志海西公太和六年六
月京師大水朱雀大航纜斷三艘流入大江據此則航
卽今之浮橋不止並兩船也水經注浙江水下剡縣西
度通臨海併二十五船爲橋航故蔡謨傳云蔡公過浮

航脫帶腰舟長也宋書臧質傳賊更方航爲桁水經注
成固縣城北水舊有桁是也然又有單船謂之航者水
經注浙江水下云剡縣東南二度通臨海並泛單船爲
浮杭

又謂之漚

說文漚小津也一曰以船渡也 方言方舟謂之漚王
篇同郭璞揚州人呼渡津舫爲杭荊州人呼漚 廣雅
漚筏也 太平御覽稱太公六韜天船一名天橫以濟
大水橫漚古字通按成實論音義枕古文橫廣二形今
作枕同古黃反廣雅輪謂之枕枕當卽漚字集韻輪船
前枕也韻會輪俞舟名義亦兩通今仍從說文廣雅分

列而附記于此

船有屋謂之檻

釋名上下重版曰檻四方施版以禦矢石其內如牢檻也 晉書音義稱字林云艦屋船也音檻 王篇艦板

屋舟按說文無艦字今從釋名作檻 陸機辨亾論前

驅不過百艦 晉書陶侃傳侃乃以運船爲戰艦又云

賊鉤侃所乘艦侃窘急走入小船何無忌傳盧循遣別

帥徐道覆順流而下舟艦皆重樓 北堂書鈔稱義熙

起居注盧循新作八艘艦九枚起四層高十餘丈按宋

書循吏杜慧度傳慧度自登高艦與循合戰放火箭雉

尾炬循衆艦俱然一時散潰是也 宋書王鎮惡傳所

乘皆蒙衝小艦行船者悉在艦內羌見艦沂渭而進艦外不見有乘行船人咸謂爲神張興世傳司徒建安王休仁命沈攸之等以皮艦二十攻賊濃湖 通典鬥艦船上設女牆可高三尺牆下開掣棹孔船內五尺又建棚與女牆齊此戰船也 緬異藝文類聚稱廣雅云艦大船也按與今本廣雅不同當別有所據

又謂之艦

廣雅艦舟也 玉篇舠小船屋也艦同 太平御覽稱字書船上有屋者曰艦 類篇舟也一曰舟有窗者楚辭九章乘舠船余上沅兮王逸章句舠船船有窗牖者也 淮南王書俶真訓越舠蜀艇不能無水而浮高

誘注舩小船也按舩艦本一字廣韻于舩字下云舟上有窗艦字下云艦艦有屋舟名蓋誤

其上板謂之覆

釋名其上板曰覆言所覆慮也按今本作言所覆衆枕也誤太平御覽引此作覆衆慮又衍衆字今攷首篇釋天云露慮也覆慮物也知此亦當作覆慮

其上屋謂之廬

釋名其上屋曰廬象廬舍也按別作簷非是

上重屋謂之飛廬

釋名其上重屋曰飛廬在上故曰飛也

又其上謂之爵室

釋名又在其上曰爵室於中候望之如鳥爵之警視也
按視今本作示北堂書鈔藝文類聚太平御覽等書
引此又作若鳥雀之驚視也

船頭謂之艦

說文艦舳艦也一曰船頭

通異

小爾雅船尾謂之艦

玉篇艦在船後按左思吳都賦巨艦接艦庾闡揚都
賦青雀飛艦是艦又通作舟名

又謂之閤間

方言首謂之閤間郭璞今江東呼船頭屋謂之飛閤是
也 玉篇五比爲閤又船首之間

又謂之鵠首

方言或謂之艦艦郭璞鵠鳥名也今江東貴人船前作
青雀是其象也 廣雅艦艦舟也 王篇舟頭爲鵠首
又作楹 司馬相如子虛賦浮文鵠張揖曰鵠水鳥也
畫其象于船首 淮南王書龍舟鵠首天子之乘也
按此則字當作鵠首後乃統加舟旁耳又晉書武帝謀
伐吳詔王濬修舟艦畫鵠首怪獸于船首以懼江神是
船頭之名鵠首又專以繪鵠于首得名

船尾謂之舳

說文舳艦也漢律名船方長爲舳艦一曰舟尾 方言
後曰舳郭璞今江東呼施爲舳又云舳制水也 漢書
武帝自潯陽浮江而下舳艦千里注李斐曰舳後持舵

處艦前頭刺櫂處也

通異小爾雅船頭謂之舳按小

爾雅所言正與說文等相反劉逵吳都賦注亦同

又謂之杖

釋名其尾曰柁柁柁也在後見柁曳也且弼正船使順

流不使他戾也

王篇杖船尾小梢也木部有柁舟部

有舵並云正船木按杖即柁字今別作柁又作舵並非

物原云帝嚳作柁櫓夏禹作舵又妄分爲二非也 淮

南王書說林訓毀舟爲杖高誘注杖舟尾按與柁同俗

作柁亦作舳皆非

裴松之吳志注江表傳孫權于武

昌新裝大船試泛之釣臺時風大盛谷利令柁工取樊

口權曰當取羅洲利拔刀向柁工曰不取樊口者斬工

卽轉柁入樊口 北堂書鈔稱孫放別傳不見船柁乎
在後所以正船也 按漢書淮南王安諫擊閩越云柁
舟而入水說文柁曳也則柁當作拖爲是十誦律音義
亦云拖字从手

船前立柱謂之桅

釋名其前立柱曰桅桅巍也巍巍高貌也按桅本又作
椳其前太平御覽引此作船前 王篇桅船上檣竿

通異淮南王書說林訓遽契其舟桅高誘注桅船弦板
也

船後木謂之舳

王篇舳舳舟又木部舳云船後舳木廣韻同 按舳與

駐同玉篇于車部載此字云鞋車也今湖湘間小舟無
柁者于梢上作孔欲停舟即從孔中植一木船即不行
鞋舟之義當取此 韻異 玉篇又云排筏名也

舟中牀以薦物者謂之苓

釋名舟中牀以薦物者曰苓言但有簣如苓牀也南方
人謂之苓突言溼漏之水突然而下過也盧學士文弼校
本今船底上有襯板水或浸滯而入其最低者曰水倉
常時去之名曰刮潮與此說合 玉篇苓舟中牀也按
說文苓車苓也與筐通訓是舟車中可以薦物者通得
謂之苓

張幔謂之颿

說文颿馬疾步也从馬風聲徐鉉曰舟船之颿本用此字今別作帆非是按舟之使颿亦如馬之疾步故假借用之 釋名隨風張幔曰帆帆泛也使舟疾泛泛然也按今本帆泛也在隨風之上非又一切經音義兩引此一作隨風張幔曰颿一作隨風張幔曰帆蓋一據說文改也 佛本行集經音義稱聲類云颿船上幔也一云船上帳也又稱三蒼颿船上張布帊也 玉篇颿風吹船進也亦作颿帆船上帆也與帆同按據此則帆颿皆颿之別字今廣雅別出帆字玉篇舟部風部並別出颿字皆非 廣韻帆船上幔也亦作颿 風土記帆從風之幔也施于船前各隨宜大小爲制大者用布一百

二十幅高九丈 太平御覽稱韻集云颿船張也

又謂之雙又謂之篷

說文柂雙也王篇別作舩艘又作柂雙 廣韻柂雙帆

未張又云雙帆也今從說文作雙 王篇篷連船帳也

颿柱謂之檣

太平御覽稱埤蒼檣颿柱也俗作檣王篇同校王篇舟

部又別出檣字非 北堂書鈔稱王粲浮淮賦建衆檣

以成林 郭璞江賦舳舻相接萬里連檣

船旁板謂之柂

王逸楚辭章句柂舳旁板也柂一作棹 王篇柂楫也

與棹同按楫柂本二物王篇合而爲一後人皆因之似

誤

又謂之舳又謂之桅

並見上

所以進船謂之櫓

釋名在旁曰櫓櫓膂也用膂力然後舟行也 玉篇櫓

所以進船也 吳志呂蒙傳使白衣搖櫓作商賈人服

晉書夏統傳乃操柁正櫓 南史梁呂僧珍見武帝

頗招武猛命多伐材竹未用僧珍獨悟其指因私具櫓

數百張 通異名四分律音義櫓船上樓櫓也

又謂之濯

說文楫舟濯也 漢書百官表水衡都尉屬官有楫濯

令丞如淳曰輯濯船官也師古曰輯濯皆所以行船

釋名在旁撥水曰櫂濯濯也濯于水中也且言使舟濯
進也 方言或謂之櫂郭璞今之櫂歌依此名也 楚

辭桂櫂兮蘭漿王逸章句櫂楫也 後漢書岑彭傳委

輸棹卒凡六萬餘人李賢注棹卒持棹行船也東觀記

作濯前漢書鄧通濯船爲黃頭郎 大方廣佛華嚴經

音義稱通俗文濯謂之櫂 玉篇濯櫂也棹同 枋說

文無濯字始見新附當係濯字之別玉篇又別出棹

字益非

又謂之札

釋名又謂之札形似札也

又謂之楫

易剡木爲楫 詩檜楫松舟毛傳楫所以濯舟也 說

文楫舟濯也按漢書百官表有輯濯令丞師古曰輯讀

與楫同是楫亦可作輯與檝皆古字通 方言楫謂之

橈 釋名又謂之楫楫捷也撥水使舟捷疾也 淮南

王書七尺之楫而制大舟者因水爲資也 玉篇楫行

舟具也 按楫亦通作杖水經注馮舟自運無杖楫之

勞是也說文攸行水也徐鍇曰支入水所杖義亦同

又謂之艗

玉篇艗別名

小楫謂之橈又謂之擘

方言楫謂之楫小爾雅同楚辭蓀橈兮蘭槳王逸章

句橈船小楫也玉篇同吳越春秋得一橈而行歌道

中注橈小楫也淮南王書七尺之橈而制船之左右

者以水為資高誘注橈刺船棹也一作撓後漢書吳

漢傳裴露橈船李賢注橈短織也按俗作橈非佛本

行經音義江南櫂大于橈而楫殊小作橈者面向船頭

立撥之作櫂者面向船尾坐撥楫櫂筭也按此則唐楫

橈之制又與古小異司馬彪莊子注挈橈也

所以隱濯謂之槳

見方言今本作槳郭璞搖船小楸也江東又名為胡人

玉篇槳楫屬按字當作槳物原云顛頊作篙槳者

是也

所以縣濯謂之緝

見方言郭璞繫船頭索也

所以斥旁岸謂之交

方言所以刺船謂之橈 釋名所用斥旁岸曰交一人

前一人還相交錯也 玉篇篙竹刺船行也僧祇經音

義亦云篙刺船竹一云刺船竹杖按此蓋望文生義玉

篇木部又別出橈字蓋非方言疑亦後人追改 越絕

書闔閭問子胥曰船軍之備何如子胥荅曰篙工船師

可當君之輕足騾騎也 淮南說林訓以篙測江高誘

注摘船以篙僧祇經音義稱許慎注篙謂刺船竹長二

丈以鐵爲鏃者也 左思吳都賦篙工楫師選自閩禺

按本取相交錯之義故字當作交俗作篙說文新附云篙所以進船也然此乃玉篇艣字義訓不可移訓篙濯船羽謂之櫂

玉篇櫂棹船羽

以板遏水謂之牀牒

玉篇牀牒所以遏水也

又謂之業

爾雅大版謂之業說文業大版也 廣韻漾橫水大板

按玉篇無漾字此蓋隨文生義以大版在水中故加水旁今仍作業字而存其義今人呼水中橫板曰淌水

以竹塞舟謂之筵

玉篇竹筵以塞舟又作柳云所以塞舟漏也 按今舟人塞漏尚謂之茹船出曜論抒船音義抒漏也又廣雅抒泄出也義並通

維舟謂之鼎

方言維之謂之鼎郭璞繫船爲維

又謂之紼又謂之縶

爾雅紼縶維之紼縶也郭璞注縶索 說文紼亂絲也

縶縶屬 玉篇縶舉船索也或作縶 詩正義稱孫炎

曰縶大索也又云舟止繫之于樹木戾竹爲大索李巡

曰縶竹爲索所以維持舟者

又謂之纜

王篇纜維舟也 吳志甘甯傳勅船人更增舸纜

引舟謂之箝

釋名引舟者曰箝箝作也作起也起舟使動行也按太平御覽引作箝作也起舟使動作也今攷箝字義別當作箝爲是 水經注吳國西十八里有岝嶺山俗說此山本在太湖中禹治水移進近湖又東及西南有兩小山皆有石如卷箝俗云禹所用牽山也太湖中有淺地長老云是箝嶺山蹠自此以東稍深云是牽山之溝太平御覽稱纂文竹索謂之箝茅索謂之箝按箝下箝應作箝 漢鼓吹曲曰桂樹爲君船青絲爲君箝 漢書

武帝紀注西南夷尋筏以渡水因號叩筏按此則漢越
嶺郡定柞大柞等縣蓋皆以是得名 魏文帝詩負筏
引船行 玉篇筏竹索也引舟竹筏也又作筏按說文
筏竹索也是筏筏筏三字並通

又謂之縹

釋文稱韓詩曰縹筏也 爾雅縹緜也郭璞注緜繫卻
侍讀晉涵正義筏與緜義同可以起舟使動行

又謂之牽

說文牽引前也 集韻類篇稱字林云緯絞挽舟繩
玉篇牽挽也速也連也 桡維舟之索今俗統謂之纜
引舟之繩今俗統謂之緯緯即牽之別字今挽舟兼有

牽引之義故借假用之水經注禹所用牽山齊書張融
權牽船于岸上住北堂書鈔稱語林劉道真于河側自
牽船是也唐人名之爲百丈

又謂之綸

廣韵集韵稱字林綸挽船筏也按說文玉篇並無此
字疑屬紵字之別說文紵轉也轉亦有挽之義矣

繫舟木謂之檝又謂之杙

爾雅檝謂之棧郭璞注檝也說文檝弋也弋檝也

詩正義稱李巡曰杙謂檝也北堂書鈔今繫舟木曰

檝俗加舟作檝漢書注牂柯繫船杙也通典軍行

渡水又用挾緝以善游者繫小繩先浮渡水次引大緝

于兩岸立大概定組使人扶組浮渡大軍可爲數十道
又謂之戩

玉篇戈部収戩云船板木弋部又収戩云船左右大木
也 廣韵戩船纜所繫 按戩戩本一字玉篇分爲二
誤今姑从廣韵作戩又戩疑亦戩字之別柯一作戩也
又謂之牂柯

常璩華陽國志楚頃襄王時遣莊躡伐夜郎軍至且蘭
楸船于岸而步戰旣滅夜郎以且蘭有楸船牂柯處乃
改其名爲牂柯 裴松之常林傳注稱魏略諸葛瑾攻
圍樊城遣船兵于峴山東斫材牂柯 太平御覽稱異
物志牂柯繫船木也按玉篇別作戩戩非是

候風謂之統

淮南王書若統之候風高誘注候風之羽也楚人謂之五兩文選注稱許慎云統候風也 玉篇統候風五兩也

又謂之覘

淮南王書譬若覘之見風也無須臾之間定矣高誘注覘候風者也世所謂五兩 按統與覘字形本相近當屬一字論語莞爾之莞陸德明釋文又作莧爾是也

又謂之五兩

郭璞江賦覘五兩之動靜 按候風之法蓋起于軍中故太平御覽稱兵書云凡候風法以雞羽重八兩建五

重旗取羽繫其巔立軍營中此卽候風之制船上候風制亦當同

泝斗謂之樞

廣雅泝斗謂之樞曹憲音頤 玉篇樞船耳斗又謂之杼

太平御覽稱纂文云杼水斗也

整舟向岸謂之檣

史記項羽本紀烏江亭長檣船待集解稱應劭曰檣正也孟康曰檣附也附船著舦也如淳曰南方人謂整船向岸曰檣 劉逵蜀都賦注南方俗謂正船回濟處曰檣 玉篇檣整舟向岸按檣當作檣

水渡謂之舠

說文舠津字古文水渡也古文津从舟 王篇舠古津字按玉篇又云一作舠蓋又津字之別今削之

船師謂之舠

說文舠船師也明堂月令云舠人習水者 通異名爾雅

舠泝也郭璞注水中簿符 一切經音義稱通俗文連舟曰舠按餘已見上

又謂之榜

禮記月令命漁師伐蛟鄭康成注今月令漁師爲榜人北堂書鈔稱月令云榜船人習水者也 漢書司馬相如傳榜人歌聲流唱張揖曰榜船也月令云命榜人榜

人船長也按舫榜古字通今俗尚呼刺船者謂榜人又謂之長年 王篇榜人船人也

通異名

廣雅舟舫榜船

也按或作舫非 楚辭齊吳榜以擊汰王逸章句吳榜船櫂也 北堂書鈔稱傅元正都賦越船沉吳榜浮

舟旋謂之舫

說文用也一曰車右騎所以舟旋古文舫从人 王篇

舫舫二同音伏 廣韻舫古文舫字按皆取可以周旋之義

舟辟謂之舫

爾雅釋言舫旋也還也 說文辟也象舟之旋从舟从

攴攴所以旋也古文舫从攴 廣雅舫桓不進也又舫

還也。按禮記投壺篇主人般旋曰辟同意。

舟動謂之舩

王篇船船動貌。按集韻又出舩字云船動貌與船同。

舟播謂之舩

王篇舩播舟

舟行謂之舩

說文舩船行也。王篇舟行也。廣韻同。按王篇又云舩爾雅云祭也。今攷舩舩寔二字在舟部者。說文丹飾也。亦借作祭名。書高宗舩曰爾雅商曰舩是也。音徒冬切。一在舟部。說文舩行也。音丑林切。王篇合爲一誤。

又謂之舩。又謂之舩。又謂之舩。

王篇舩艇并舟行

舟進謂之舩

王篇艦進也

舟不行而進謂之舩

說文不行而進謂之舩从止在舟上

舟不安謂之舩

說文舩船行不安也讀若兀王篇同 方言僞謂之舩

舩不安也按舩舩蓋一字王篇別出舩廣韻又別作舩
並非廣韻又有舩字云船不安也

船著不行謂之舩

爾雅舩至也孫炎舩古届字方言同 說文舩船著不

行也讀若華王篇同又音屈 廣韵艘船著沙不行也
音珂 校不行卽至矣故孫炎以爲古屈字

舟危謂之舫

王篇有、按今本字書引王篇有舟危也三字

舟沒謂之淦

王篇匿船沒也 善見律音義稱字體云匿船沒也亦
作洽 廣韵匿船沒 校字當作淦說文淦水入船中
也方言洽沈也義亦同洽匿匿皆俗字以音同而別
吳謂之艘

王篇艘吳舟 校左傳餘皇吳所造故名之爲吳舟也
又謂之舫

見上七初學記稱廣雅曰吳曰扁廣韻同 華嚴經音

義稱通俗文吳船曰扁

又謂之舩

見上 初學記稱埤蒼舩吳船也

又謂之舩

見上 玉篇舩吳船也 轉注古音吳人目舟曰舩舩

越謂之須慮

越絕書吳內傳越人謂船爲須慮

晉謂之舩

見上 初學記稱李虔通俗文曰晉曰舩 華嚴經音

義稱通俗文晉船曰舩

蜀謂之舩

廣韻舩蜀人呼舟

外域人謂之舩

見上 北堂書鈔稱南州異物志外域人名船曰舩大者二十餘丈高去水三四丈載六七百人物萬斛

天子舟謂之舩

說文舩古文造舟 玉篇天子船曰舩 按周制惟天子得用造舟舩蓋合造舟二字爲一 釋文稱郭氏圖云天子並七船 薛綜東京賦注造舟以舟相比次爲橋也

又謂之鷁首

見上 藝文類聚稱韵集鷁首天子船也

船又謂之浮梁

方言船舟謂之浮梁郭璞即今浮橋廣雅同 公羊疏稱舊說云以舟爲橋詣其上而行過故曰造舟棧東晉朱雀桁亦其遺制但自天子而下並得渡耳

諸侯連四舟謂之維

爾雅諸侯維舟郭璞注維連四舟 詩正義稱李巡曰中央前後相維持曰維舟

大夫併兩船謂之方

爾雅大夫方舟郭璞注併兩船義已見上

士單舸謂之特

爾雅士特舟郭璞注單舩 公羊疏稱李巡曰一舟曰

特舟

庶人併木渡謂之泚

爾雅庶人乘泚郭璞注併木以渡義已見上 公羊疏
稱李巡曰編木以渡別尊卑也

卷施閣文甲集卷第四

陽湖洪亮吉學

貴州水道攷上

貴州十三府爲楚蜀粵上游其間巨川數十皆見于班固漢書司馬彪續漢志郭璞山經酈道元水經等注而唐宋以後則無聞焉蓋地浸于苗蠻名乖于土俗一水則隨地易名有至十數名不止者何怪乎撰方志詢土俗者之轉轉承訛無一可依據乎其間卽有思矯其弊如郭子章之黔記田雯之黔書而橫據胸臆不尋源流則其失亦與方志之俚鄙者等夫貴州諸巨川其旁皆高山峻嶺非若東南之水可隨時易其故道者也余以

壬子冬奉

命視學此方輅車所至類皆沿源溯流證以昔聞加之
目驗既不信今亦不泥古兩年于茲撰成貴州水道攷
三卷凡經流七皆水之直達江海者大水八皆水之絡
數十小水至貴州境以外合經流者中水百八十一皆
水之能絡小水在貴州境以內合經流及大水者小水
一百五十二皆合中水以入大水者而水之無名及不
知所歸者尚不與焉書成晰爲三卷以由湖南入江者
爲卷首由四川入江者次之由廣西至廣東入海者又
次之各冠以表條分縷晰庶後爲方志者有所考鏡云
乾隆五十九年歲在甲寅八月一日序

由湖南入江諸水

沅水至湖南由洞庭湖入江經流一

豐甯司水入沅

九股河入沅

烏堯河入沅

龍潭河入沅

麥冲河入沅平洲河藤茶河附

諸梁江入沅魚梁江蘆坪江附

卡龍河入諸梁江

麻哈江入沅擺邏河附

馬場江 羊場江 地松河楊老河武勝河等附

冷水河 樂平溪 勇勝溪 凱旋溪 舟溪

山江河並入麻哈江

高溪入沅

秀水入高溪

小江入沅水

丹江入小江 防里河又入丹江

鑑水江入沅

西江 分水凹水入鑑江

潭溪水入沅

洪舟江入沅

平茶江入洪舟江

卽水入沅

長忌河入卽水

城東溪入沅

龍溪入沅

凹溪入龍溪

左溪入沅

冶水溪入沅

直銀水入沅

幘頭堡水入直銀水

木耳溪入沅九江附

無水至湖南黔陽縣入沅大水一

考原圖文庫卷四
三
飛雲洞水入無

興隆大河興隆小河入無

苗裏水入無

處洞河入無

北門河入處洞河

施秉小江入無秉溪別溪等附

杉木河入無

瓦窰水入無

江凱溪入無

鎮遠城西河入無

宛溪入無

焦溪入無

梅溪入無

秋溪入無

松溪入無

牙溪入無

小由溪入無

勇溪入無

白水溪入無

鐵溪入無

異溪入無

鐵廠水入異溪竹坪河苗龍河附

馬口溪入無

注溪 架溪入馬口溪施溪海龍溪等附

文水河入無

易家河入無

野雞河入無

西溪 梭溪入野雞河

黃道溪入無

銅鼓塘水入黃道溪

辰水至湖南辰谿縣入沅大水二

獨母水入辰水

省溪入辰水

也江入辰水

烏羅溪 羊溪入也江

前溪入辰水

提溪入辰水

印江入提溪

沅水攷

沅水至湖南黔陽縣始有沅江之名固矣然其發源之處自班固鄴道元以後即無能分析之者唐杜佑通典列沅溪于五溪之內李吉甫元和郡縣志於沅水又屢易其名

辰州沅陵縣曰沅江辰溪縣下曰沅水則是水道之混自唐

江水叙州朗溪縣下又曰沅溪水賢始也攷漢書地理志武陵郡臨沅縣下引應劭曰沅水

出牂柯入于江無陽縣下班固原注云無水首受故且蘭

南入沅行八百里牂柯郡故且蘭縣下班固原注云沅水

東北至益陽入江過郡二行二千五百三十里水經沅水

出牂柯故且蘭縣

說文及劉昭郡國志注引荊州記所說並同

爲旁溝水

太平寰宇

記作旁流水

又東至鐔成縣爲沅水

唐朗溪縣漢鐔成縣地杜佑通典注云有沅溪水

東過無陽縣道元注云無水出故且蘭南流至無陽故縣

又東南入沅謂之無口合此數說明無水雖入沅然沅水

自有正源不僅資無水也按今黃平州屬重安長官司北

有金鳳山山南即重安江古沅水也

貴州紀事清江上通重安以達都勻下通

黔陽以會朗水舟楫往來較濶溪爲便

山北即鎮陽江之源古無水也自重

安江以上在清平縣境者名凱里河在麻哈州境者俗名

平定河在八寨同知境者俗名雞賈河在都勻縣境者俗名長河又名劍河亦曰馬尾河蓋自源出都勻府城內之東山至黃平州界已流三百餘里矣又下此至平名寨北入生苗界又東南百餘里至黎平府西北鎮遠府東南之清江廳界始名清江又東北至天柱縣之甕東始入湖南黔陽縣界鎮遠江自東北來會蓋自源至此已千一百餘里矣統計經古郡二牂柯武陵今府廳州縣十五都勻平越黎平鎮遠沅州五府八寨清江二廳都勻麻哈清平黃平施秉開泰天柱黔陽八州縣二水既合又歷辰州常德長沙三府辰谿淑浦瀘溪沅陵桃源武陵龍陽益陽八縣由洞庭湖入大江共千二百里合前實二千三百餘里古

里數較短故班固云行二千五百三十里也蓋沅水舊名

三其始出故且蘭爲旁溝水一曰旁流水統名沅水唐時則名

之曰沅江又曰沅溪水俗名九曰長河曰劍河曰馬尾河曰雞賈河

曰平定河曰凱里河曰重安江曰前江通志前江在施秉城南上爲重安江

下即清水江曰清水江今且可由沅無二水攷故且蘭之所在

水經沅水出牂柯故且蘭縣班固云無水首受故且蘭南

入沅今無水實出黃平州南金鳳山山南又即沅水所經

之地則故且蘭縣即在黃平州以西都勻府以北左近界

中無疑矣檢諸地志貴筑貴定清平皆注云故且蘭縣地

圖經則云且蘭在澹甕黃施之交明漢時縣大自黃平州

西南貴筑縣東北皆故且蘭縣地也前人以遵義爲且蘭其說蓋非又因

故且蘭可知牂柯郡治所在何則兩漢牂柯郡皆治故且
蘭則牂柯郡治亦在今黃平州西南貴筑縣東北左近界
內可知並可因此證漢晉諸地志之誤字班固注沅水東
南至益陽入江許慎說文云沅水出牂柯故且蘭東北入
江今驗此水自黔陽縣以下至入江皆東北流惟經辰州
府城外稍東南流數里即折向北則許慎之言已確漢志
東南流南字蓋傳寫之誤也劉昭郡國志注故且蘭下引
晉書地道記曰有沈水按水經注沅水出廣漢縣下入滄
水與此迥不相涉舊本後漢書世
祖本紀臧宮與延岑戰于沅水
沅又誤作沅蓋皆以字近而誤亦沅字傳寫之誤又攷沅
水至重安驛東南平越府諸梁江合麻哈江諸水來會其
餘州境諸水如高溪等皆會重安江明沅水自故且蘭以

上僅名旁溝水自此以下至罈成

今開泰天柱等縣山海經沅水出象郡罈城西

始有沅水之名今在開泰清江廳境者始名清水江是也齊侍郎名南水道提綱亦知清水江爲沅水上源而不能確指其出都勻府之東山而又混入平越府西北諸梁江以爲亦沅水上源不知此特支流入沅水者耳黃宗羲今水經又混沅無二水爲一皆失不細考

豐甯司水圖經自都勻府界流入長河

九股河通志在丹江通判城南發源九擺寨山中東北逕鳳臺諸寨入于清江

烏堯河通志在丹江通判城北發源城東烏堯寨山中流經烏耶關入于清江

龍潭河圖經在都勻府西北山東南流至府北十餘里
有一水自北山來一水自東北來一水自東南來並會
南流逕府城西折東南流入馬尾河

麥冲河明史地理志平浪長官司東南有麥冲河通志
在都勻府城西南圖經馬尾河經都勻府西南境折東
南流有一水自西南經大河鋪來會按當即麥冲河水
又考地理志平洲六洞長官司南有平洲河通志丹行
司西南又有藤茶河二水當亦流合清江也

諸梁江圖經出平越府西北大山東南曲曲流百餘里
至府南境有一水西南自貴定縣東南山東北流經黃
絲驛合數小水來會稍北府城水自西來會正當城南

東北流府城東水又來會又東北卡龍河西北自牛場
來會又東麻哈江西南自州來會通志諸梁江在平越
府城南三里俗又訛猪梁江按平越縣東又有與梁江
蘆坪江當亦合諸梁等江入清江者

卡龍河圖經合諸梁江

麻哈江明史地理志麻哈州本麻哈長官司洪武十六
年置州南有麻哈江

按州當以水得名

圖經麻哈州西水有三

源一西出貴定縣東南之樂平司而溪至司東合而東
流至州西南一出州西南者東北流一出州南者西北
流俱會北流迤州西又北合東來一水又北而東北至
楊老驛北又北至林老驛西北入諸梁江通志江在麻

哈城南五里其上源爲兩全江明史地理志兩全江以兩源合流而名又

爲算水下流入于清江按麻哈州南又有擺遷河當亦

合麻哈江

馬場江明史地理志平越府南有馬場江通志在府

城南四里與羊場江通

羊場江明史地理志平越府南又有羊場河俱東入

于麻哈江貴州紀事明景泰元年冉璉分兵七盤坡

羊腸河楊老堡解清平圍通志在府城南二十五里

二水並流合麻哈江

地松河通志在平越府城東北十五里其地名松屯

南流入麻哈江按縣境又有楊老武勝等河當亦合

麻哈江

冷水河明史地理志黃平州東有冷水河通志在黃平州城東三里流入兩岔江明史石邦憲傳招降冷水溪諸洞苗二十八砦即此

樂平溪明史地理志樂平長官司南有樂平溪通志在麻哈州樂平司南下流合于麻哈江

勇勝溪

凱旋溪圖經並在麻哈州境入麻哈江按相近爛土司境又有灣溪明史四川土司傳都御史張瓚及楊輝攻敗灣溪及灣溪既立爛土諸蠻惡其逼是也今不知何水可以當之或今昔異名姑附記于此清平

縣冊又云勇勝溪合山江河始入麻哈江

舟溪明史地理志清平縣有舟溪江貴州紀事作丹溪通志在平定司東入麻哈江

山江河明史地理志平定長官司東有山江河源出香爐山圖經亦在麻哈州境入麻哈江

高溪通志在黃平州城西北旁有高溪屯下流合秀水入重安江

秀水溪通志在黃平州城東三十里合高溪

小江通志在台拱同知城南之牛皮箐北流逕城南繞城西北入于清江

丹江通志在丹江通判城西合諸山之水以成江下

流入小江 防里河通志亦在丹江城東下入丹江

按沿江苗又有大丹江小丹江之別寔止一江也

鑑水江通志在天柱縣城北又名北門江發源新溪繞城而下與清江合

西江通志在天柱縣城西北下入鑑水江

分水凹水圖經在天柱縣城北七十里沅州界水自凹分一歸沅州一歸鑑江

潭溪水一名三十里江又名八舟江又名新化江明史

地理志潭溪蠻夷長官司下有潭溪

按元置潭溪長官司即以水得名

八舟蠻夷長官司下有八舟江源自府城西爲三十里江北流經此又東北爲新化江新化長官司下東南有

新化江又西北合于清水江圖經潭溪有二源一出黎平府西山曰少寨河一源出府西南東北流逕府城西北與八舟河會又東逕老潭司北又東北逕新化所西曰新化江又北逕銅鼓衛西又北至明耳司之西北入清水江水口正與邛水對黎平府志新化江源出城西其上流爲八舟江下流合于清水江

洪舟江明史地理志洪舟長官司下有洪舟江

按元置洪舟長

官司即以水得名

下流合于湖廣靖州之渠河按靖州通道縣

有渠水方志源出縣西南北流逕靖州界至會同縣西北入郎江郎江至辰州府黔陽縣注沅水黎平府洪舟江在洪舟司一名洪州江攷此水合兩水後始注沅水

今水經反以渠陽江爲入于洪舟江誤矣

平茶江黎平府志在府城東南源出太平山流合洪舟江

邛水元一統志宋邛水故城在今鎮遠縣東南八十里按宋立邛水縣即以是水得名即今邛水縣丞所轄圖經邛水亦曰德明河出鎮遠縣東南二溪合東南流有長忌河自西南來會又東逕邛水司南又東南有一水自東北合二溪來會折南流數十里又東南流受北一小水又東南逕南洞西又東南百里至毛坪之南入清水江通志在邛水司南源出苗寨下流入沅江是也長忌河圖經長忌河西南會邛水

城東溪圖經在錦屏縣城東二里發源于苗山經府屬之湖耳司逕迤達于湖廣之黔陽縣核此水蓋至黔陽縣入沅江

龍溪通志在思州府城西下流合凹溪入清江

凹溪通志府境又有凹溪合龍溪

左溪通志在都素司南下流入清江

冶水溪通志在左溪西南亦流入清江

直銀水圖經出天柱縣西界之東大山東流曰等溪折東北流經直銀村西北又東北折南流至縣北分流夾城左右有一水西自幞頭堡至縣西來會又東稍南流至遠口北入清江

幞頭堡水圖經合直銀水

木耳溪明史地理志烏羅洞南有九江又有木耳溪亦曰九十九谿下流亦入沅江通志其流紆曲東抵平南寨有九十九折

無水攷

無水之名隨時代而改漢無陽縣以無水得名班固無陽縣下注無水首受故且蘭南入沅行八百九十里是也云首受故且蘭者蓋首受故且蘭縣諸水即今俗名苗裏水處洞河等是矣按水經注云無水出故且蘭而班氏云首受故且蘭明其發源之處又兼受諸小水矣合觀明史地理志鎮陽江亦曰澗水上受興隆黃平諸水東流三百里入沅江其說益明晉書地理志宋書州郡志則名舞陽蓋口音輕重字亦隨音而改沈

約云前漢作無陽後漢無晉太康地志有蓋三國吳時所
立縣名澠陽則水亦名澠水可知元和郡縣志稱荊州記
舞溪獠澠之類是也唐又名爲武谿李賢後漢書注土俗
澠作武在今辰州界又名巫溪杜佑通典唐置巫州以在
巫水之間又龍標縣下云漢巫陽縣是也又名雄溪圖經
鎮洋江即古雄溪五溪之一明史地理志湖廣會同縣下
云東有雄溪一名洪江是也按水經注雄無各爲一溪自
唐以後乃混而爲一故無溪
亦兼雄溪之名也雄又作熊後漢書注雄土俗作熊元和郡縣志
辰州下次東南熊溪叙州潭陽縣下云溪水在縣南二里

按潭陽本漢無陽縣地
則此溪水當即指熊溪

是也宋名澠陽水亦名澠水太平

寰宇記沅溪縣有澠陽水元豐九域志沅州黔陽縣有澠

水是矣明世名爲鎮陽江亦曰鎮南江亦曰灑水明史地理志鎮遠府鎮遠縣南有鎮陽江一名鎮南江亦曰灑水是矣至名之隨地而改者在黃平州者曰黃平河又曰西門河在施秉曰洪江亦曰大江明史地理志施秉縣有洪江卽鎮陽江舊志大江在施秉城北下流卽鎮陽江也在鎮遠者曰鎮陽江又曰鎮洋江在思州府者曰灑陽江在青溪縣曰青溪江在玉屏縣曰平江亦曰平溪貴州紀事年詔京湖帥臣黃平清浪平溪分駐屯戍明置平溪驛亦以此水各又統名之曰洪江明史地理志湖廣黔陽縣北有沅水又東有洪江是也至發源之山班酈及唐宋諸地志皆不詳今水經云其源自黃平所爲黃平河水道提綱云源出平越府東北之黃平州南

金鳳山舊志又云源出黃平州西北三十里之都凹山今

驗金鳳山都凹山下通志北攸河在黃平州城北三十里原名都凹水即潯江之源皆有

細水流入西門河或皆無水發源之所唐宋以前地志詳

慎故莛云出故且蘭耳至無水入沅班氏云行八百九十

里今計黃平州至黔陽縣寔八百里而近益爲不爽矣又

水北爲陽水南爲陰今沅州府治漢無陽縣地正在水北

而樂史引荊州記曰牂柯在舞水之陰今黃平清平等州

縣均在水南又可知漢時牂柯郡卽在今黃平州左近矣

或云今黃平州舊城卽漢牂柯郡治
雖亦約畧之詞然相去當亦不遠

飛雲洞水圖經無水經飛雲洞東有一水自西北來會

興隆大河

興隆小河今水經二水皆入鎮洋江

苗裏水通志在黃平州城東南下流入鎮洋江

處洞河通志在黃平城西十里源出苗境東流合北門河入鎮洋江

北門河圖經在城北下流合處洞河流入施秉縣境俗亦名小江

施秉小江通志在施秉城南源出黃平北門河至城東合大江按圖經言黃平北門河下合處洞河今復言此江源出北門河豈北門河水又分二派以入小江處洞耶又考縣境更有秉溪別溪等水當亦合澗江

杉木水通志在施秉城北合大江

瓦窰水通志在施秉縣境合大江

江凱溪通志在施秉城東合大江

鎮遠城西河圖經鎮陽江又東北流一水自北來注之
卽鎮遠府城西河也

宛溪通志在鎮遠城東十五里

焦谿明史地理志鎮遠縣有焦溪關梅溪關通志在鎮
遠城西四十里

梅溪通志在鎮遠城東五十里

秋溪通志在梅溪東六十里

松溪通志在鎮遠城西南三里

牙溪通志在鎮遠城西五里

小由溪通志在鎮遠城西十里

勇溪通志與小由溪相近

白水溪通志在鎮遠城西三十里

鐵溪明史地理志鎮遠縣東北有鐵溪通志在鎮遠城東北三十里自宛溪以下所謂鎮遠九溪也按鎮遠九溪內無秋溪以上十溪皆入鎮陽江宋咸平中以田承寶爲九溪十洞撫諭都監卽此

異溪通志在思州府城東五十里圖經上源出鎮遠府西北界大山曰路瀨河東流數十里合南北二水經鐵廠南山之南東北曲曲百里至思州府西北境有鐵廠東北水東南流來會此水以西水卽入白巖河經石阡

府北注烏江者也

鐵廠水圖經合異溪通志鐵廠河在青溪縣城南按縣境又有竹坪苗龍等河疑亦合異溪者

馬口溪通志在都素司即灑溪之上源也下流至城南一里爲灑溪又會注溪繞城而東合架溪出兩河口入灑江

注溪通志在思州府城西南三十里按明史地理志施溪長官司東有施溪思州府志又有海龍等溪當亦合諸水入灑江也又考水經注沅水過沅陵縣後又東施水注之此施水即今沅陵縣之施黔水與此施溪迥別

架溪圖經灑溪在思州府城南一里會注溪遶城而東合架溪

文水河通志在玉屏城東會諸淵水入平江

易家河通志在玉屏城東流入平江

野雞河通志在玉屏城西源自西溪梭溪諸水會合經飛鳳山野雞坪象鼻山入于平江

西溪

梭溪圖經並入野雞河

黃道溪明史地理志黃道溪長官司下有黃道溪梭元置黃道溪長官司即以水得名圖經一名戶溪江源出思州府北境山東流九十里折東南五十里至司西南

折東流有一水東北自銅鼓塘西南流合一水來會至
大魚塘北合洪江按以下至湖南境入無水者皆不錄
他皆倣此

銅鼓塘水圖經入黃道溪

辰水攷

銅仁府圖經銅仁江在府城西南發源四川酉陽司會府
境諸水流至湖廣麻陽縣入沅江今水經辰水源出辰州
府境南二百四十里三崕山

核三崕山蓋
即三山谷

水道提綱謂之

麻陽河云西自銅仁府合諸水來注之又云麻陽河數源
最遠者出銅仁府西北界曰順溪其山北即朗溪司水西
入烏江者也此水東入麻陽縣界又北至辰溪縣城西南

入沅江今以漢志及水經注攷之卽辰水也班固辰陽縣下注云三山谷辰水所出南入沅行七百五十里水經注云沅水又東逕辰陽縣南東合辰水水出縣三山谷今攷銅仁縣有九龍山在縣西烏羅司西南六十里當卽古三山谷元和郡縣志三山谷一名辰山今俗又名梵淨山銅仁大小江並出于此圖經謂此水發源于四川酉陽司今酉陽司實古辰陽縣地是圖經與班酈諸說並合且發源處又名順溪辰順音同流俗聲轉耳酈道元又云辰水東南流獨母水注之水源南出龍門山亦名龍門溪歷獨母溪北入辰水今銅仁府城西北有小江圖經云源出甕濟洞至城東合于大江水道提綱麻陽河又東北折東流而東南

有小江自北山東南流百餘里合東一水經府城西北而南來會焉與道元辰水東南流獨母水注之及獨母溪北入辰水之文無不脗合則今之銅仁小江即獨母水也所云甕濟洞及北山當即古之龍門山也又辰水流逕古錦州故亦名之爲錦水又名長水今沅陵縣亦有辰水南流入沅與此水名同實異

獨母水今名小江明史地理志銅仁縣西南有銅仁大江西北有小江通志在銅仁府城西北至城東合于大江

省溪一名宙羅江明史地理志省溪長官司西有迤邏江即省溪石邦憲傳賊欲攻石阡不克還過省溪即此

通志在省溪司北源出江頭山下合大江

七江通志在烏羅司南納烏羅溪羊溪二水下合銅仁

江

烏羅溪

羊溪通志並合七江

前溪通志在城南舊大萬山司西源出大萬山東北流入銅仁大江按明史貴州土司傳銅仁長官司五其三

曰大萬山

提溪明史地理志提溪長官司東有印江西有提溪通志在提溪司源出濫泥山流入銅仁江

印江通志在銅仁府東又流合提溪